

محکمہ کبری



طبعہ ثانی

مصر

مطبعہ اجتهاد

۱۹۰۸

نيك اوچبوز اون اوچ سنه هجريه سي رجبنيك برجمعه
 كوني — اياصوفيه — معبد عظيمك داخل وخارجنده
 عتاددن زياده بر ازدحام ، تلاشله قاريشيق بر هيچان ، فوق
 العاده بر حال مارين وعابريني يولارندن آليقوييور ، مجمع
 مباركك قبولونده كال وقارله طوران مسلين دن استيضاح احواله
 محبوبر ايدبوردي . هر طرفدن ايديلن سؤالره ، مناديلر :
 « بوكون ، محكمه كبرى وار ! حبيب خدا فخر كائنات افندمن
 خليفة غير لايقني كنديلري محاكمه ايدمك : « جـوانى جان
 وكوكلدن ندا ايدرك هواده هيچان انكيز اهتزازلر وجوده
 كتيرمكده ايديلر ، كوش ، كوزلر قماشديره جق بر شعله ايله
 هر طرفي يالديزلره غرق ايدبور ، كوياكه مسلمانلغك اعيايد

مبارک‌سی صره‌سندہ مناز بر موقع طوته‌جق اولان بو یوم
مقدسده موحدینک قلیبرنده کی انوار مسرتی چهره‌لرینه
عکس وترسیم ایتدیرمک ایستیوردی .

فتح و تحویلله معابد عظیمه اسلامیة نك برنجیلکی احراز
ایتدیریلن بوجامع شریفده بوگون بشقه بر نورانیت بشقه
بر زینت واردی . داخلک منظرده سی ، توصیفده خامه بشری
دوچار عجز ایده‌جک بر علویت ، برمه‌ابت عرض ایدیوردی .
محرابک طرفینده یکر مباشر خطوه مسافه ایله سلاطین
عظام عثمانیه دیزلشلردی . هیسک چهره‌سندہ اک بیوک کدرلر
نشانه‌سی انظار دفته چارپوردی .

جامع شریفک دیگر طرفلرنده وقتیه مسلمانلغک ، عثمانلیلغک
توسعی ، عظمتی ، شان و شرفی ، محافظه حیثیت و تمامیتی اوغورنده
فکراً بدنآ اک جلیل خدمت‌لر ایتش ، اک بیوک همتلر صرف
ایلش اعظام عثمانیه نك موجود بولندیغی کورولیوردی .
چاندارلی قره خلیل ، کوسه میخال ، اقیچه قوجه ، حاجی
ایل بک ، اورابوس بک ، قره‌جه‌بک ، محمودپاشا ، سنان پاشا ،
زنبلی علی افندی ، صقوللی محمد پاشا ، اوز دمیرزاده عثمان
پاشا ، فرهاد پاشا ، خواجه سعد الدین افندی ، قویوچی
مراد پاشا ، تیریاکی حسن پاشا ، کوپرلی محمد ، احمد

فاضل ، مصطفی ، حسین پاشا ، قوجه راغب پاشا ، رشید پاشا مدحت پاشا و سائر بیوک جمله فطین ، وطنپرور قهرمانان ، قوماندانان ، مدیر صدراعظمی و صاحب صلابت علماء ، بارباروس خیرالدین پاشا ، بیاله پاشا ، قلیج علی پاشا ، طورغود صالح رئیس ، غمسخ حسن ، نامدار شانلی قیودان دریای چهره لرندن یاسر ، حزنلر آقهرق یاواش سسله آره لرنده قونوشیورلردی .

جمعه نمازی وقتی کلمه شدی . غایت لطیف ، روح نواز . بلالی بر صدا اذان محمدی بی اوقومیه باشلا بجه جامع شریفک دروننی بدنبه بر نور قایلادی . کوزلر قماشدی ، قلبلر هیجانله طولدی . تکبیر صدالری مسامع اهل ایمانده طنین انداز اولمیه باشلادی . نرهدن تشریف بیوردیغی کورولمدن ، آکلاشیلدن مفخر موجودات حبیب خدا (صام) افندمن حضرتلری ارقلرلرنده خدای راشدین ، صحابه کزین ، فضیلت پروران خلقای امویه و عباسیه ایله اعظم ملوک اسلام بولندیغی حالد محرابه متوجه آبروردیلر . هراغزدن « اشهدان ... » کلمه شهادتی چقیور ، مهابت قدسه سیله نویلر اورپریوردی رسول الثقلین افندمن وجه مبارک کربنی صاغ طرفلرینه چوریدیلر . جان فداستنده تردد اولمیه حق برتبسمله حضرت

ارطغرله باقدیلر ، دست مقدسارینی اوزاتدیلر ، سلام پیامبرانه
لریله اول مجلس صافیتی رشك آور حاضرین پیوردیلر ، بعده
انظار مبارک لری سلطان عثمانی وصیره سیله دیکر
پادشاهان عظامی مسغرق تلطیفات ایتدی . فاتحه ، یاوروزه :
« سزاسلامك اك شرفلی اعظمندن سکیز ، مسلمانلیق ، عثمانلیلق
الی یوم القیام سزك بر زمانکی وارلغکیزله افتخار ایدم جکدر .
جنت اعلاده کی مقاملریکیز مبارک اولدون » دیه بذل التفات
پیوردیلر .

بعده ارقلرینه دونه رك : « یابلال : قامت کتیر ، اوکله
نمازینی ادا ایدم » پیوردیلر . حاضرین تعجب ایدم بری
برلرینه باقشدیلر ؛ فقط سردار انبیاء افندمن حضرتلری محرابه
کچوب امامته حاضرلانیجه کیسه شق شفه ایدمیدی . فخر
کاشات افندمنه اقتدایه مسارعت اولندی . نماز قیلیدی .
رسول الله افندمن : « ملت اسلامیه نك سعادتنه ، دولت عثمانیه -
نك بقاسنه ، مسلمانلرک اکتساب علم و عرفانه چالیشم رق
مزیاپ معنویه و مکتسبات علمییه جهده اجنبیلر . تفوق ایتمه لرینه ،
عدالتک مساواتک چالیشم نك اساسی اسلامیت اولمه سندن
دائما بونلره تطبیق افعال و آمل ایتمکه مسلمانلرجه موفقییت و استعداد
حاصل اولماسنه » دعا ایتدیلر ، موحدین مجتمعه بکالر ایدرک

جان وکوکلدن دیدکاری : « آمین ! » صدالیه جامعه ک قبوسنی
تیرتدیلر ، نو لازمه دیانتک ایفاسندن صوکره اشرف بنی
بشر افندمن عومه خطاباً ؛ « خلیفه حاضرک خلافتی نظر
شریعتده مقبول وه صدق اولمادیغی ایچون جمعه نمازینی ادا
ایده مدیکسزه متأسفم وبو تأسفم هر کون عدالتسز اجرا آتده
بولمان خلیفه ک نامه خطبه اوقونه رق قیلنن جمعه نمازلینک
نزد الهیده مقبول اولماسی سببیه آرتیور ، بو احوال ناشرو-
عهیه ختام ویرمک زمانی کلدی . عبدالحمیدی بالجمله وکلا
وبندگانیاه برابر چاغیرک ، حقک امری ، شریعتک حکمی
یرینی بولسون ! ؟ » بهوردیلر .

براز زمان کچرکچمز برمنادی « شرع شریفه عدالته انسانیته
مخالف حرکت ایدوبده دولت وملتنی محو ایدن عبدالحمیده
وجدانسز وکلاسی ، مسکین علماسی یورکسزامراسی انصافسز
جلاد بندکانی کابور ! » دیه محکومک وتوابعنک ورودلرینی
اعلان واخلار ایلدی .

عمومک انظاری قاپییه توجه ایتدی ، اوکده عبدالحمید آرقه
سنده وکلاسیه علماسی وسائر کیردیلر ، سرورانبا افندی مزدو-
غری یورودیلر ، خلیفه محکومک تیریه رک یورودیکی دیگرلرینه ده
بر حیات دیمکدن زیاده جانلی جنازه اطلاقک جائز اولدیغی

دیدۀ مجربله کورلدی .

محکوم حضرت رسول الله اوز بش خطوه قانجه طرف رسالت پناهیدن « اوراده طزر : » امرینی آلدی .

بونك اوزرینه ارطغرل غازی بولندقلری صره بی بوزوب حضاره خطاباً دیدیکه « کاشکی جناب حق بنی حیوان صورتده حشر ایدیدی ده قلبمده عمان اضطرابلر ، دریای محجوبیتلر پیدا ایدن بوکونده حاضر بولندیرمه سیدی !! یارب شان جلیل الوهیتکی نشر و اعلان ایچون وجوده کتیرمه بی مراد ایتدیکک خاندانغزک ایچندن شرافت مقدسه اسلامیه بی پامال ایتدیرمه که سبب یکانه اولان بویله بر آدمی خلق ایدرک حبیب اکرمکک و بونجه اعظم اسلامک ، واجهه سنده بزى شر مساو ایتدک ! اولک خلافت و سلطنته قدرمفا بر سکو نمزده نائل اولدینمز استراحت روحیه مزدن ده بزى الی الابد محروم براقدک ! حاشا ، اراده الهیدکه تعرض حدم دکدر ، فقط تأثرات وجدانیه مه غلبه ایده مه یورم . » بو خطاب متأثرانه اطرافنده بوانان اصحاب نجات و شهامتک قانلرنده کی غلبانی آتیردی . عثمان بک پدر عالی همتنه ، « والله العظیم اگر مسلمانلغی ترکلیکی بودرجه ذلته تنزیل ایده جک بر مخلوقک خاندانمزدن حقیقه جغنی بیله یدم نامی ، اولاد واحفادیمی بوملتنه یاد کار براقدن حیا

ایدرم . « جواب ویردی .

حضرت اورخان « قارداشم علاءالدین . بشریتک فوقنده
بر علو جنابله دنیا سلطانی بکا ترک و بخش ایدرک وزیرم
اولدیغی ؛ اوغلم سلیمان امثالمر بر فدا کارلقله کلیبولی یه کچدیکی
وقت بر کون کلوبده مسلمانلرک « عثمانلیرک یوز بیکارجه
شهید قانیله صولانمش قطعات مفتوحه یی دشمنلر آلدنه براقه رق
ینه او کچیددن کیری کچمکه — خاندانمزدن یتشدن تک برادرمک
سیثاتیله — مجبور اوله جق بر درجه یه کاه جکارینی کشف
ایده بیلسه ایدم سلیمان روم ایلی یقه سنه کچرتمزدم ! . « دیدی .
حضرت خداوند کار شو صورتله بیان تأثر ایتدی :
« یارب ! بنم بشیوز اللی سنه اول روم ایلی یی ضبط ایدرک
عثمانلیلرک (ویانه یه) قدر اوکنه راست کلن موانعی سوروب
کنوره جک طوفان استیلاسنه ایکنجی بر منزل انخاز ایتدیکم
ادرنه ایله مسلمانلغی قهر ایچون کلن کثرتلی . دهشتلی اهل
صلیب اردوسنی تارمار ایلدیکم قوصوه اووه سی بوکون ،
وقتیله امرامک سیوف جلادتی اوکنده بویون اکن ، خراج
ویرن بلغارستانک تجاوزی احتمالی قارشوسنده تتره بورلر ،
بشیوز سنه لک مساعی مجاهدانه یی هیچ حکمنه ایندیرن ،
خاندانمزه لعنت او قوتدیران عبدالحمید قوصوده کی مشهریم

بلغار سواريسنه چيكننديرمك ايتيور ! . . . »

(پيلديرم) شوجوابي ويردي « اي اجداد معالي نژدم ، سزك حضورك زده فتح دهانه حجاب ايدرم ، چونكه بن تدبير سزايكم له ؛ نابجا شدتلرمله وجود دولتي انحلاله اوغراته جق بر فلاكته دوچار ايدم . فقط سزده بيليرسكزكه بن ده مسلمان . ناغمي ، عثمانليغمي غزا وشهامت ميدانلرنده ايتاته چالشم . دولتمك اعلاي شوكتي ؛ ملتكم تامين رفاهيتي ايچون عريمي رخس غزا اوزرنده كچردم . . . »

چاي حضرتلري . « تفسيخ ايتمش جسم دولتي جانم قارداشلرمك قانلريني دو كهرك تميزلهدم ؛ قورتاردم ؛ عهدمه دائما وفا كوستردم . دوغرياني عثمانلي پادشاهلري ايچون بر قانون انخذايلدم . يالاني ؛ تفرقه دوشورمه يي كنديسنه دستور طائيش . بر آدمك بزه وارث اولارق عثمانلي تختنه جلوس ايله بوشانلي دولتي عالم نظرنده ترزويل ايدرك كندى كيني ومحافظة شخصي وديديه سي اوغورنده كرداب اضمه حلاله چكوب كنديسيله برابر كوتوره جكني درك وتيقن ايده بيلسه يدم ؛ بودولتي يكيدن طويلايوب تميزايوب اولكي شوكتيله عظمتيله ميدان مجاهده يه چيقارمزد . . . » بيوردي

مراد ثاني حضرتلري « اللهم ، بوفاني دنياك اوچ كونلك

سلطنتده نه قوتلی بر جاذبه ولذت وارکه اوندن آیرلماق ایچون مسلمانلینغی ؛ عثمانلینغی ظلم واسـتبدادله محو وقهر ایده جک قدر دنی طبعـتلی ومجـفوق — خلافت وسـلطنـت کبی دنیوی اخروی ایکی بیـوک وظیفه ایله موظف ومبـحل اولدینغی حالده — دینک ؛ ملتک کسر حیثیتی یولنده مراجعت ایتدک واسطه مستـکـر ره براقیور ؛ کندی منفعتنی عالمک ضررندۀ آرامق نه بیوک ذناـتـدر .. بن ملتک سلامتی ، ایچون تاجـمی ، تخنمی کل نمونیدله اوغلمه ترک ایتشیدم . او ایسه اغیاردن اجنبیلردن قورقاسه حاندانمزدۀ بر حیات کیمسه براقیه جق . » دیه فیلوسوفانه ابراز تأسف ایلدی .

حضرت فاتح « عبدالحمید کی خلیفه لکه پادشاهلغه دکل حتی قسطنطنیه نـک فتحـندن ابراز جلادت ایدن عسکر مک نفرلکننه بیله لایق اولدینغی افعالیله اثبات ایدن وجباتدن ؛ خیانتدن ؛ مکر وحیله وکذب وانکاردن حلق اولتمش بر آدمه استانبولک بر کون اولوبده مقر خلافت ومركز سلطنت اوله جعنی بیلسه یدم سیدالمرسلینک تبشیر وتلطیفنه نائلیتدن نفسمی محروم . ایدردم . فقط اسلامینک عثمانلینغک مرکز استقراری اوله جق بر موقع بی نظیری ضبط وتسخیر اهرام وظائف اسلامیه ایدی . ذاتی شخصی ؛ ظالمانه اجرای خلافتی ؛ مستبدانه سلطنتی

ایچون ملنك توای حیاتیه سنی محو و تعطیل ایدن ، شان خلافت و حاکمیتی تنزیل و ترزیل ایدن دشمن حمیت و فضیله حق لعنت ایلسون ! » دیه بیان انفعال بیوردی .

بحسب جلادت ملیدمن اولان یاووز حضرتلری « دولنك الدن کیتدیکنی شیعی لك سنی لك ، کبی مذهب اختلافلیله مسلمانلغك ضعیفه لادیغنی کوردیکم ایچون بابامی ترك تاج و تختیه اجبار ایلدم . عسکرمك ملتمك تکلیف و بیعتیه سریر سلطنته حیققدم . خلافتی دوشدیکی درکه سفلیتدن لایق اولدیغی مرتبه عالییه اصعاد ایلدم عمری اسلامك اتحادینه عثمانلیلغك ادامه شان وشوکتنه وقف ایتدم قان ایچنده یوزدم . فقط کیفم نفسم ایچون فنواسمز بردامله کوز یاشی اقیتمادم شریعت ؛ عدالت بوایکی طریق نورانی دائما رهبرم ایدی . برکون کلوبده خلافتك شال مقدسنك اغیاره بیله مدار استهزا اوله حق بدرجه ده اینه جکینی و بوکاده بزم خاندانمزدن عد ایدیلن برادمك مسبب یکانه اوله جغنی رؤیاده کورسدم اینانمزدن خیر ، ارطغرل حضرتلری ، عبدالحمید بزم نسلمزدن دکدر ، « دیه غضب و حدتدن سراپا بر آتشاره تهور کسیره رك اظهار تأثر بیوردی .

قانونی حضرتلری ؟ « افعاالدن هپسنك دوراندیشانه اولدیغنی

اعتراف ایدرم . مع مافیه عالی همت پدرمک یولنه کیتدم . اونک مقصده مقدسنی ، نیات علویه سنی اجرایه چالیشدم . بتون دوشونجهم بتون آمالم دین و دولتمک توسیع و تأیید شان و شرفنه منحصر زمانمده مسلمانلغک عثمانلی لغک عظمت جهانکرا نه سی استیلادی فاتحخانه سی بوتون دنیایی یاد صر صره طوتلش کبی تتره دیر ، دورمده عثمانلی لغمزک عدالتندن علو جنابدن ؛ سعی وغیرتندن متحصل قوه مقاومت سوزی قارشیسنده رعشه لر ایچنده قالان تکمیل اوروپانک بوکون یالکز بر دولتی قارشیسنده دولتمز قورقور — کابوس التنده قلش کبی قیامدانه میور . چونکه ملکینک خیرسز بر مخوق باشنه تاج خلافت وسلطنتی کیمش ، مملکتی عدالت نورلریله منور ایدمده چک یرده ظلم دریالرنده غرق ایدیور ! بویله وجدانسر اسلافی میاننده بولونمغه یک کره تأسفلر ایدرم » دیه منصفانه ونجیبانه جوابار تأسغه بر مجرای جریان ویردی .

بر آز اشاخی طرفده سلیم ثانی ، مراد ثالث ، محمد ثالث ، احمد اول ، مصطفی اول ، عثمان ثانی مراد رابع ، ابراهیم اول ، آوجی محمد رابع قونوشیورلردی مراد رابعله احمد اول حضراتنک چهره لرنده آثار غضب وانفعال قوران ایدیوردی . سلیم ثانی دیوردی که . « واقعا تخته جلوسمله دولتمزک همت

اجداد ايله چيقدیغی مرقات اعتلایی یاواش یاواش ایتمک
باشلادی . فقط وکیلیم یوز حکمدار دکن صقوالی ایدی ملتیه
قارشو قلمبه خصومت بسایله مدم ؛ دولتک اعتلاسنی خاطر
مدن چیقارمدم یالانه تنزل ایتمدم . تبعه مک آره سنه نفاق
صوقه بی ارتکاب یلدم صقوالی کبی مستجمع الکملات
برذاتی وفاتمه قدر صدراعظمقدمه ایقا ایتمدم . ناموسی اولانلری
نفی ایتمک ابراز حمیتده سرفراز اولقله بمناس بولسانلری قتل
ایتدیرمک شناعتلرینی اصلا ارتکاب ایتمدم لعنت اولسون
عبد الحمید کبی آدمیره »

مراد ثالث . « دورمده بو دولتی دوچار تزلزل ایدمک
اداره سزالکر ؛ وقوف سزالقلر اولدی یکچیری به خارجدن آدم
آلخقله عوم خرسیتیانلغک مغلوب ایتمکدن عاجز قالدیغی بو
کزیده عسکرک نظامات قویه سنه ؛ تربیه مقبوله سنه خلل کلدی .
فقط دولت وملتک شان و شرفی ؛ شوکت و عظمتی ینه دنیایی
اورکوته جک بر درجده ایدی . فرهادلر . باخصوص اوز
دمیر اوغلی عثمانلی لر مسلمانلغک قوه مهیه سیله ایران شاهلرینی ؛
موسقوف قرالرینی تخنلرنده تیره تدیلر . خلاقم مدتیجه ملتی
سودم وظیفه خلافت و حاکمیتک مشتهیات نفسانیهدن
اغراض فاسده دن ؛ اجرا آت فاسقانه دن عبارت اولمادیغی ده ، پک

اعلا بیلیردم . ایچمزدن بواوصافی مقدوحه ایله متصف برینک
خاندانمزه خلف اوله جفنی بیلسه یدم ؛ جناب حقدن بو سلطنتی
بکا نصیب بو یورمامسنی استرحام ایدردم « دیه حصه سینه
اصابت ایدن جوابی ویردی .

محمد ثالث ؛ سلطنت عثمانیه مزك اك بيوك واسعه شوكت
وشهاتی اولان شهزادگانك طشره والی وقوماندانقلرینه تعیین
اولملری اصول دور اندیشه سنی خودکامانه قالدیردیغنه بيوك
قباحت ایشلدم . فقط عثمانلی اردوسنی وبر بيوك لمحمدده ؛
بر بيوك ظفره نائل ایتمک سبب اولدم . سورونمکه یوزطوتان قوه
قاهره عثمانیه مزى انظار اعداده بردفعه ده پارلاتدم . مجارستان
قلرو حکومتده داخل ایدی . صدر اعظم لرمک ؛ وزرامک
ایشلرینه مداخله ایتمدم . بکا دوغری بی سویلینی سومامک کبی
انسانلغه یاقیشیمه جق بر حال وحرکتده بولندرم . عبد الحمیدی
کوردرکجه ایشته کجه عین سلاله دن بولندیغمه اوتانیورم «
دیدى .

احمد اول حضرتلری ؛ بك كنچ ایکن الله بکا خلافت
کبی ؛ معنوی سلطنت کبی مادی ملیونلرجه قوللریمک
ایچنده بك آزلرینه احسان بیوردیغنی ایکی نعمت عظما
عنایت بیوردی . ملک اختلال ایچنده ایدی . وسعتی

عقلاره حیرت ویرن دائرة عثمانیت بر انحلال عظیمه اوغرا .
 مشیدی . وهر ولایتده پیلان باشی کبی برشقی باشی قالمیشدی
 حق امدادمه مراد پاشایی کوندردی . اومبارک اختیار ،
 اوتتمال غیرت وحماست ، ملکى باشندن ایاغه تمیزلهدی . اجداد
 عظامک روحلرینی شاد ایلدی . اننی اوپر دم . « بابام ! »
 دیه قلمدن خطاب ایدر و تخم قدر سوردم . یوز بیکلرجه
 مسلمان ، عثمانلی وجودندن ، قانندن ، غیرتندن ، صلابت
 دینیله سندن تشکل ایتش بومقدس وطنک سریر خلافتنه ، تخت
 سلطنته یالکیز کندیسینی ، دوشونن ، کندیسینی محافظه ایچون
 هر واسطه نك ارتکابنی مباح عد ایدن بر عبدالحمیدک اوطوره .
 جغنی جناب حق کمالطفندن بکا اولجه معلوم ایتسه یدی روحک
 ازله قبضنی استرحام ایدردم « سوزلریله نجات اسلامیه سنی
 اعلان پیوردی .

مراد رابع ، پک چوق قان دوکدم . لیکن مقام خلافتنه ،
 سریر سلطنته محروم اولدیغی اطاعت عمومیه بی تأمین ایدیجه
 غزا میداننه آت سوردم . پایتختنده سرایه قیامتق دکل بیکلرجه
 کیلومترولر آرلدم . شانلی ظفرلرله دور سلیم اولده کی شمعنه
 شوکتی خاطر لاتدم . بغدادی ضبط ایتدم . شیعیه .
 جناب رب غفور — اوپله امید ایدرم که — دین ودولت

یولنده کی خدمات مجاهدانه مه مقابل سیئات خو تریزانه می عفو
ایدر ! ... » سوزلرله هم جلالت مفرطه سنی هم ده شدت
ناجاسنی منسفانه بیان واعتراف ایتدی ،
آوجی محرم : « یدی یاشمده بنی ملت پادشاه یاپدی مع مافیه
جناب واهب الآمال قلبمده کی صافیتک ، معصومیتک مکافاتی
دریغ بیورمه دی . اک بولک لطف ربانیدی اوله رق (کوپرولی)
زمانده بو ملته هدیه ایتدی . هر بریسی عبدالحمید کی جاهنی ،
وقوفسز ، منفعت پرست بیک حکمداره دکیش یلمه جک قدر
قیمتلی ، دکرلی اولان صدر اعظم لرم دولتمزک شوکت
مکسوفه سنی یکیدن شمشه لندير ديلر ، ملک هر طرفنده
انتظام پیدا اولدی . « کوپرولی » سوزی حضرت سلیمک
نامی کی یالکیز باشنه قوجه بر ملتک ضابطه لاق خدمتی
کوروردی . آق دکزک اک مهم بر نقطه سنی تشکیل ایدن
(کربد) او جیتلی وزیرلرک ، او وطن پرور صدر اعظم لرمک
مجاهد نه همتیه ضبط ایدلدی آوسـتـریا امپراطوری ، اوروپا
حکمدارلری بو تمثال غیرت اسلام قهرمانلرینک ظهوریه ترمه یه
باشلادیلر بو شانلی وقوعاتک حصه ده دوشن پارچه سی ،

بو بیوک ، بو نادر ذواتی موقع اقتدارده طوتمه مدر ؛ آنجق
 بو مزیتله افتخار ایده رم . بو قدر جق بر مزیت قدر شناسانه دن
 محروم اولانلره خلافت شویله طورسون ؛ سلطنت ، ریاست
 بیله جاز دکدر : .. « دیه متسفانه بر نجابت قیمت سنجانه ،
 بر تواضع حقیقی کوستردی .

محرابك صول طرفنده ده (سلیمان ثانی) ؛ (احمد ثانی) ؛
 (مصطفای ثانی) ؛ (احمد ثالث) (محمود اول) ؛ (عثمان ثالث) ؛
 (مصطفای ثالث) ؛ (عبدالحمید اول) ؛ (سلیم ثالث) ؛ (مصطفای
 رابع) ؛ (محمود ثانی) ؛ (عبدالمجید) ؛ (عبدالعزیز) ؛ (مراد
 خامس) بر صورت مغمومانده تعاطی افکار ایدیپورلردی ؛
 (مصطفای ثانی) نك طورنده بر غضب جلادت کارانه ؛ ناصیه
 سنده بر انفعال شاهانه نظر تعجبی جلت ایدیپوردی . « محمود
 اول » ؛ « سلیم ثالث » پادشاهانه بر وقار ایچنده پك دهشتلی
 تأسفلر ؛ کدرلر عاقلامیه لیشورلردی . « محمود ثانی » ده
 افراط درجه بر شدت منظور ایدی . « مراد خامس » ك
 طورنده مشهود درین بر رقت و ألم اسبابی آکلامق ایچون
 قلیلرده شدید بر مراق او یاندر یوردی . (مصطفای ثانی) ؛
 « نخنه چیقدیغ وقت اجداد عظامك اثرینه سلوک ایتك ایستدم ،
 ایلک صولتمده عثمانلیغك جوهر همتی کوستردم . اعدا ؛ تارمار

اولدی ، فقط صوکره کی مغلوبیت لر ایلك نشئومی یأسه قلب
ایتدی . اسباب مغلوبیتی آرادم ؛ دشمنك فن حربده کی
تفوقنده کوردم . اولر بزم اصول حربی اوکرئمشر ؛ فوائد
ومحاذیرنی تدقیق ایتمشر . ایجاب ایتدیکي وجهله عسکرلرینی
تنسیق ایتمشر ؛ دشمنك بوتفوقنی آکلادقن صکره اوکا کوره
حاضرلانتق ایستدم ، هیهات ابنی وقتيله اويله حاضرلامامشر
ایدی که بنده ملتی ؛ اردومی حاضرلایه بیلهیم ؛ مغلوبیت لر .
فلاکت بری برینی توالی ایتدی ؛ ملت بنده اومدیغی اقتداری
کورمه بنجه نخبه ن ایندیردی . پک بیوک خدمت امیدلرم ؛
ای بر خلیفه ؛ شانلی پادشاه اولق ایللرم وار ایکن جهاتم ،
وقوف سزغم حسبیه آرزومه موفق اولامادم . « قارلوجه »
معاهده مضره سنی الله امضایه مجبور اولدم ؛ بنم کی یتیشوبده
بنده کی جسارت وحیته مالک اولامایان خلیفه لرله پادشاهلرک
ملنلرینه نه بیوک فناقلر ایده جکنی ینه کندیلری دوشو .
نسوئلرده ارباب ناموس واققداری ؛ اوکا کوره ، یانلرندن
آیرماسینلر . « ديه حکیمانه نصیحت و بیان تأسف ایتدی ؛
عبدالحمید اول ؛ « امکان اولسه ایدی جناب حق دن اسممک
تبدیلانی استرحام ایدردم . هیچ براسم اسم قدر لعنته دوچار
اولمادی . دواتم زمانده وفات علائمی ؛ ممات اماره لری کوستردی ،

(قریم) آمدن کیتدی . ایکنجی بر عبدالحمید ملنك تنه شیرینی حاضرلدی . امارت اسلامیہ وظیفہ مبارکہ سنی یالکیز ملنك جنازہ نمازینی قیلدیردیغی وقت ایضا ایده جك « دیدی .

(سلیم ثالث) حضرتلری «تختہ چیقدم ، بنای دولتی منزلزل کورددم ، ملنہ باقدم یأس ایچنده ، باشمی اورو پایہ چویردم ، دهشتمدمدن تیرہدم . اونلر تجدد عالمہ کیرمشلردی . بزایسه غیای انقراضہ اینیوردق . اونبر اکتساب معاونانده ، سیاستده ، فنونده ، عسکرلکده یوکسلدکجه بزالحالیوردق . آغلانمك وقتی اولمدیغی آکلادم ، اولانجه همتله دولتمك تجدیدینه ، ماتک تویرینه چالیشدم . موفقیت اناری کورنجه سويندم . فقط نه چارمه که (سلیم اول) ده کی زوربازو ، قهرماناق بنده یوقدی . الله اونك نوعنی تك یاراتمشدی . بنقان توکمک ایسته میورددم . طبعاً پك حلیم ایدم . حضرت (فاتح) ك جلادتندن ، (مراد رابع) ك شدتندن بر جزئی بکا نصیب اولسه یدی دولتم ، ایکنجی بر (عبدالحمید) دورنده خلیفه نك شدتندن ، ظلمندن یا جبارتندن ، ناموسسزلری وقایه سندن ناچار قالارق اورو پادن استعانه ذلتنه قاتلانمازدی . ارباب ناموس ، ملتنی یتشدیکی ، پیودیکی طوپراغی سومه ینلری